

重修費縣志序

賚志之失修至今已二百餘年矣夫此二百年中政治之廢興風俗之移易以及夫功名節義物力財產其盛衰豐耗既不可以無紀又咸豐同治之間捻匪土匪肆擾縣境南半被荼毒者幾及十年鄉園之後繼以大兵始就廓清一時忠義之士舍性命以衛鄉閭而婦人女子亦往往舍生蹈義視死如歸斯皆綱常名教所關不當聽其湮沒儻遲之又久不惟前事愈遠而愈難稽即此數十年間當時之人所目見耳聞者亦漸歸於泯滅固官斯土者之咎抑斯邑之士大夫亦與有責焉哉在

乙未

序

乙未予既攝邑篆爰進邑之士大夫相與商之咸以為然於是採訪任之紳耆集責任之社長越數月略有端倪檢閱舊志既簡且疏自維謏陋不學無文那以簿書期會力亦不逮且費為名區地理山川考證宜核然非生長斯邑者不習以鄙道元之博而水經注且不免有誤況鄙陋如子敢輕言操筆乎時同年楊子翊宸實主講席更並延李子吉人朱子旭亭王子澤山受夫同為總纂又數月乃寫有定本付之剞劂同年劉子醒山廣文與予有同志且任分輯之勞焉是志之成翊宸受夫之力為多翊宸為子言前令某某嘗有此願而未逮今

願於一年之間得觀厥成豈非厚幸歟將竣事矣子適當瓜代之期爰述其始末如此光緒二十有二年午月二十日署知縣事保安李敬修記

費縣志

序

二

重修費縣志序

邦國之志掌於小史四方之志掌於外史而土訓誦訓  
得以地圖地俗地事入告以施其政令誠以一方之掌  
故卽一方之人心所繫利害興廢因革損益藉資考鏡  
非徒以備故府之藏已也費於禹貢爲徐州之疆域於  
魯侯爲公族之分封聖人化行之邦賢人鍾毓之地學  
道名區由來尙矣勝國以前典章文物蕩焉無存考古  
之士恆有不信無徵之歎康熙己巳黃侯學懃慨然興  
脩匆促成書不無缺略自斯迄今又二百年矣政令所  
垂掌故所著若者闕利害若者肇廢興若者從因革若

費縣志

序

一

者參損益載籍無稽官斯土者何以昭法戒焉加以咸  
同之間伏莽竊發幅揜搆難忠臣志士捐頂糜軀貞女  
烈婦完名抗節其待彰聞者實守土之事而都人士夫  
亦弗能辭其責也歲丙申仲夏余奉檄權篆費邑與同  
年李子濟生交相爲替聞有重修志書之舉廣文劉子  
醒山院長楊子翊宸爲之輔喜其有所取資也復知其  
將觀厥成也數月來邑士之賢者王子澤山受夫又以  
副本屬爲刪定余才識謏陋又鞅掌於簿書辭之不獲  
因於案牘餘閒緝閱一過爲序其略歸之時光緒二十  
二年仲秋權知費縣事溫陵陳榮倫謹序

續修費縣志序

往歲余就銓京師得費宰卽於都門識其邑人王梅生  
比部王時甫民部兩王政王燕泉編修是歲莊一泉孝  
廉捷南宮改庶常莊仁卿選拔陳鄂泉優貢均朝考  
以縣令用人交替萃時相過從因問此間山川人物風  
俗民情僉謂前邑侯李濟生太史重脩邑乘詳備明確  
澄其事而讀其書有以知夫疆宇之夷險民物之盛衰  
政令之張弛卽於一邦之治思過半矣今春二月抵任  
所徵志書則前任陳小蓮司馬與劉醒山廣文楊翊臣  
山長方與增補校訂之役簿書餘閑少參督校見其詳

費縣志

卷首序

一

略得衷記序有法視舊志誠爲完善而其斟酌至當則  
尤在人物一志夫志之脩也沿革建置分野輿圖與夫  
河山之形勝土物之豐饒惟是衍前志襲舊聞訂其訛  
謬補其缺略焉耳至於八才之出與世代興臈列人物  
則參以史筆而稍殊史例史官載筆所以寓褒貶示勸  
懲故善惡貞淫並登簡冊志乘之脩則隱其惡而著其  
美且以徵乎潛德而發其幽光是以采取雖廣而筆削  
維嚴徇人之見所不敢存昔人以人物爲重信哉余披  
覽志書時與賢士大夫上下其議論兼以質一時之讀  
是書者莫不謂然非余之阿好也書既成聊誌簡弁并

繼陳小遂司馬捐廉助資後之君子踵而脩之尤余之所厚望也夫

光緒二十五年歲在己亥冬十一月朔有六日知費縣事大興謝燧撰

費縣志

卷首序

二

費縣志原序

古人云方輿之志與國史相表裏旨哉斯言夫志以紀事事以傳信信以昭法舉一邑中利害興廢因革損益之故無不括之於志俾生於斯官於斯者如鏡如衡瞭於目而指諸掌勸戒垂焉輜軒之使觀風其地亦若燭照而數計採擇備焉邑志之所係若此蓋可忽乎哉費禹貢徐州之域爲魯侯公族分封城墮三月費首聽命固宣尼所化行處至若季孫行父相三君無失德子羽子游相得稱善以及黜之狂憲之狷子輿氏之肖身守約皆生長東蒙南武間古所稱學道之邦也自勝國隆

費縣志

原序

一

萬而下版章散失故典無傳疆輿星野之辨山川形勝之詳政治貢賦之污隆盈縮以至風土人物典祀藝文僅旁見於斷簡殘編與夫傳聞野錄不信無徵識者以爲浩歎久矣黃令以壬子鄉薦丙寅秋分符斯邑越明年政成舉廢興墜皆有次第條理以邑乘久淹慨然捐俸請修偕邑紳士考證舊聞蒐羅軼事條分縷晰各極其詳百年闕典一旦燦然大備銓次成帙求余數言弁首余繙閱竟讀嘉黃令之志而重有感焉士生斯世儻爵析圭奉

天子命來爲民社長不知盡一能効一長徒虛糜廩祿

賈

朝廷而羞當世士豈少也耶黃令以循良報最行牧泗陽余亦奉

命觀察東粵而此志剗剗適竣余既喜得賢吏又喜此志有裨於費足為後人鑒且為採風者所尚也是為序

崑

康熙二十八年己巳孟夏之吉山東分巡東兗道今陞廣東按察使司武清李焯撰

賈縣志

原序

二

原跋

黃侯修費志監司李公序之詳矣余何敢贅獨念乘史乃一邑公事紳士大室皆與有責焉共謀捐貲以勸厥成亦其義所宜然初亦有為是說以進者侯斷然以為不可曰若此則志將有不可問者矣嗟乎非讀書有識不能為是言非為善有力亦烏能為是事耶方今職官之俸原自無多費邑瘠疲尤有難者侯獨食無兼味衣必澣濯而犁棗梓刊之經費竟以身任之而不求助於人以

賈縣志

原跋

一

於是徵文考獻取其有關名教而浮華之辭所不錄矣節義孝行取其實蹟輝煌而附會之說所必誅矣古蹟先賢取其經史可據而傳聞之誤所必折矣直指微言悉以見忠厚至意雖哀集校讎有其人而總受裁於我侯慎審之一心是以書成而披讀之下覽其民情土俗而聿觀其丕變覽其山高水長而如被其清風以是知

朝廷題柱而特簡之者良有以也余親承其下而樂觀其成敬進一言以識其後賈縣儒學訓導王玉謹識

賈縣志原序

揚侯之宰是邑也政清刑理公庭晏如惇乎具有暇也嘗披閱邑志俯而歎曰是何字多魚魯亥豕而事亦滲漏不備耶允若茲何以傳后遂卜日擇館命余校讎以復錄梓其勞誨之厚惟欲該古今辨族類覈名實以成章顧余惟西鄙人也惡足以與于斯文哉但德音驟屈恩旨網繆固不得而辭者祇承之日惴惴焉惟以辱命是懼乃就謀于魏子其楫劉子銓李子嘉錄王子慎博蒐典籍參酌時制黜異釐訛而補其逸踰月乃成矣余因為之說曰志者記也記載其事于不忘者也古者

賈縣志

原序

一

列國皆有史以記時事茲非其遺意也與余嘗覽其凡而願舉其切焉夫賈縣之地多山川志以記山川則有高峰入雲清流見底者焉因山川而產人物則記其鍾靈毓秀規圓矩方之英也因山川而來流寓則記其採薇茹芝日光玉潔之人也關於邑之政事者記學校則見其振德孔殷懇懇以責其成記農桑則見其禾稼根株菽野盈疇時育以待其用記風俗則見其淳樸敦龐之底于治焉記里社則見其地闢民聚男耕女織之遂其生焉記徭稅則見其出納惟允日力不爽審量詳度之得其平焉記營建則見其取彼材木就此規畫不傷

財不害民之各新其制焉茲固是志之大觀也嗣是而記魯公為仙似若可疑殊不知天地間凡可毀者形也其不可毀者理與氣也公之被害也持其形之毀焉耳剛大之氣固與天地常存而人之見之者亦氣之感遇而聚焉者也豈必煉精悟真控鶴騎羊白日飛昇然後謂之仙耶魯公忠矣臣之準也記有仲由曾閔則聞而知之者或以之負米或以之耕養或以之善事後母而老萊之寓則以之戲娛以安親矣茲志行而民興孝此非其切於日用之常者乎數子之孝信能修之於家而為愚夫愚婦之可與知與能者也大舜有大焉今之歷

賈縣志

原序

二

山舜嘗畊之今之雷澤舜亦漁焉夫舜以聖人之德自畊稼陶漁以至為帝而尊富享保之兼全而孝大矣誠使雞鳴而起蓐蓐以為善焉則亦寧非舜之徒也與要之山川之形勝動靜之理也一感遇焉而仁知滿矣人物之稱述則先民之遺矩攸在而激勸之典常存隱逸萃止本幽人之貞而廉頑起懦之風實賴之也政事之均則以俟后之君子而人得蒙至治之澤忠孝之傳則以啟后之來學而人得聞大道之要是志也者夫豈託之空言而無益于實用也哉又豈徒小補于茲邑而無關於天下也哉此侯之所用以修緝者也乃若侯之善

政固已列之薦剡登諸紀錄矣余亦不敢以復贅揚侯  
諱果字汝實號槐泉山西陽曲人其二之者則高兩川  
諱朝用字晉卿斯人也交河之簡而實有功于贊政者  
法得以均書教諭施伯祚撰

贊縣志

原序

三

增修費縣志序

余幼年曾此就學誦讀餘閒流覽邑乘歎其歲久失修  
每語同學曰此守土之責也他日承乏茲土當重修之  
今春奉檄來權斯篆甫下車調徵縣志則未申聞前令  
李濟生太史輯有成書是真先得我心者披閱未終而  
土匪滋擾乃借邑汛孫守戎率兵勇督鄉團馳驅邊境  
上且勦且撫不遑食息嗣因諸務繁鉅備極經營秋來  
時和年豐人安俗靜復取而卒讀之見其體例精嚴取  
裁審富參筆削之微旨萃史傳之精華固足徵太史之  
大手筆亦由同寅及諸紳相與翼而成之也顧其間不  
無魯魚亥豕之訛詢之劉醒山廣文曰當時新舊交替  
急付梓誠有不暇詳較者每擬正其誤補其缺有志而  
未逮也今辱明問正其時矣余聞而喜且躍怦然有觸  
於懷爰同醒山廣文邀楊翊臣山長王一卿年伯及當  
年同事諸君重加訂正謹將左忠壯公上邀  
卹典故登之以光志乘是歲莊一泉庶常入詞林莊仁卿選  
接陳鄂泉優貢均

朝考以知縣用則又人文之翹楚者其他遺獻遺文皆得依

類增入二百餘年之缺文及身而觀其備二十餘年之  
宿願假手以告厥成其愉快爲何如也欣然命筆作爲

增修之序

光緒二十四年歲在戊戌冬十一月既望署理費縣事  
大興陳瑗撰

費縣志

卷首序

一

重修費縣志序

初余之選司費鐸也詎 撫憲張勤果公公謂余子平  
原宿儒今議重修山東通志將何以教我余以不敏謝  
公固問焉乃作而言曰一統之治自州縣起一統之志  
亦當自州縣始康熙雍正間遞修大一統志皆

詔各省先修通志而通志之修取材各府州縣自今通飭郡  
守牧令凡舊志之失修者一律增修各呈新志而省志  
集其成易為力矣公曰子言良是然未可以迫期也州  
邑之志必上有良有司下有賢紳士同心協力相與有  
成彬彬乎質有其文燦然大備而後作為志乘可法而  
費縣志 序 一

可傳也否則非奉行具文即藉端生事其弊有不可勝  
言者故曰未可以迫期也其後果有修志以呈者皆牧  
令之賢者也及余來費覓邑宰王又泉明府與言修志  
事明府曰此余之夙願也前令亦曾有是議惜此間無  
可與謀成者余又不才以故因循者久之迨許仲廣明  
府來攝是篆復談及之意見頗合將謀興舉矣會海氛  
孔熾左忠壯公盡節人心惶恐曹屬土匪又滋奉委團  
練保護鄉閭而其謀中輟歲乙未同年李濟生庶常自  
榆山奉檄尹茲土政平訟理時和年豐爰倡議謀興修  
其時王東麓刺史自江南解組歸來賈益軒大令自隴

西脫簪歸來李如三大令先自薊北奉諱家居山長楊  
翊宸廣文亦以高捷南宮郅漳南學篆來主講席又有  
李吉人孝廉朱旭亨明經等相與總理其事籌貲採訪  
量能分任綱舉目張規模略備便邀吉人旭亨及東麓  
之哲嗣受夫孝廉就書院開局協同山長依類分纂而  
濟生明府總其成幕友肥城范桂村佐之先是山長留  
心志乘隨時編輯凡有關考據者命其少君晉三昆仲  
集錄成帙以備修志之助茲復詳加考證參以通志府  
志舊志並汪氏志稿李氏文獻存徵山若河脈分條析  
又得及門彭贊臣親歷繪圖瞭如指掌受夫家學淵源

賈縣志

序

二

見聞宏博爲山長高足除山長考訂外餘事多出其手  
故濟生明府志序云是志之成翊宸受夫之力爲多也  
舊志金石缺如今擬增補斯卷而採訪未有專責適王  
澤山明經自都門旋里博學好古延爲金石採訪使窮  
險遺幽不憚勞瘁凡五閱月而所得甚夥美不勝收及  
歸局分纂後擬爲另集一編刊作費邑訪碑錄並擬將  
所採碑石俱扛集學宮講亭覆之以圖永久儻斯舉告  
成又爲藝林添一段佳話矣丙申春王一卿同年自大  
梁乞閑歸重加參訂益致周詳書竣正事開雕而李明  
府調補朔陽爰偕同僚諸紳煮酒相饒乞留序文明府

論恩

舉樽濡毫一揮而就擲觴興筆而上馬去矣獨此悵悵  
離懷不能釋然邑人士攀轅臥轍至有黯然泣下者一  
卿同年送行詩云使君策馬含情去父老擎杯有淚傾  
蓋道其實也陳劍門明府下車伊始即訪山長諸君核  
度志書其識見之宏通議論之正大與舊令尹大略相  
同用是父母斯民前召後杜不是過矣又閱月而刻成  
諸紳董屬余詳敘之夫志與史相表裏史昭法戒故筆  
削宜嚴志備考徵故蒐羅宜廣是志也諸君廣爲蒐羅  
明府詳加筆削以志乘之文章寓史書之體例首載

賈縣志

序

三

巡幸以爲一邑光寵照諸志善本酌定卷次詩文各附卷末  
志書也而史筆具焉稿之甫脫也先卽繕清一編上之  
通志書局以備摭拾迄今喜觀厥成又深佩明府之深  
仁厚澤邑人之急公好義昇平景象宛然在目勤果公  
所謂良有司賢紳士未可迫期者何幸於吾身親見之  
哉使天下牧令盡如費宰而天下治矣盡如費宰之相  
承而天下可長治矣故余樂道其詳俾來者知見其盛  
至於閔子宰費之說原本家語實爲王肅僞作最足污  
辱先賢魯公仙眞記採錄碑說亦未免小視魯公而學  
宮碑採之以王左海之文也魯公碑陰錄之以米襄陽

之書也閱者自當分別觀之是爲序光緒丙申夏六月  
平原劉寶鼎撰

費縣志

序

四

續補志書跋語

志書之修以考核疆域爲要疆域定而後人物事蹟因  
之滄州葉子佩甫續山東考古錄之作著意歷代沿革  
既詳且的杜文正公序云此後修志皆可舉此書爲之  
標準誠哉是言茲編實奉爲指南矣至金石文字亦以  
考核往事爲有用如前漢王子侯表平邑下有東海二  
字非屬費卽南城據東漢二石闕已改屬南武陽劉宋  
廢華縣後地未審所屬據諸滿齊武平碑末鐫費縣二  
字南北朝土宇中分據禪覺寺造像猶稱梁武年建靖  
康時徽欽北狩據佛觀頂磨崖猶署建炎二年至建炎

費縣志

續補跋語

一

三年又磨崖一則改天會七年矣內有云故縣村故縣  
何縣抱犢固今隸贊嶧靈峰寺疏胡爲列邳州丞縣官  
銜志中尙未考及且左忠壯殉平壤已入人物志而  
御製祭文碑文踰歲始到縣儒學劉醒山夫子謂凡若  
此類俱不可以不補幸邑侯李靜堂庶常修志兼倡捐  
款去任後猶有餘費商之陳小蓮明府重覓剞劂謝子  
明明府接任後厥工始竟統計補

郵典四頁祀典一頁續職官義學各二頁選舉一頁人  
物上下補附藝文共十九頁仙釋前補四則內周義山  
一條黃志  
已載誤以末續補人物若干列女後續補若干古蹟後  
周爲時代

續補臨沂縣治一則絕句一首軼事前補五則而金石志中佛觀頂之所稱故縣據魏志南城有武城武城當是故縣靈峰寺之所列丞邳官銜據述征記承縣君山有抱犢固承縣卽丞縣金屬邳州前所未暇及者正文後添注雙行數語略爲核明又南城山磨崖有云仰視高山俯聽流水弦歌之聲宛然如在詞頗古雅黃志已載今聞字蹟猶存而采訪者遺卻又公明儀公明宣南武城人俱載往籍此後重修可補入人物志明隴州知州胡爾純崇禎時死事賜祭葬贈太僕寺少卿至國朝乾隆四十一年

費縣志

續補陳節

二

賜謚節愍前亦未及檢此俱不可泯沒也並附記於末光緒二十有六年臘月立春日邑人楊佑廷謹識

原修費縣志官紳銜名

知費縣事南陵黃學勳敏若纂修

儒學教諭 李 瑞輯五

儒學訓導 王 玉荆石 全校

儒學廩膳生員 王 簡 叅訂

歲 貢 士陳介吉 採輯

邱吉生 採輯

劉澄清 採輯

儒學廩膳生員 王克振 採輯

儒學生員 孫 鏞 採輯

費縣志

姓氏

朱得舒 採輯

王 璋 採輯

魏 衣 採輯

典 史高拱極 督梓

毛陽鎮巡檢 朱鵬孫 全督梓

關陽鎮巡檢 張養蘊

吏房書朱淑憲 膳稿  
禮房吏尹秉心 鳴工

重修費縣志職銜姓氏

總纂

賜進士出身同知銜署理費縣知縣李敬修

參定

同知銜署理費縣知縣癸酉科優貢陳榮倫

協理

費縣教諭辛酉科拔貢劉寶鼎

五品銜費縣訓導歲貢楊乃驊

藍翎同知銜前任甘肅皋蘭縣知縣甲戌科進士賈汝謙

五品銜前任河南襄城縣知縣庚午科舉人辛酉科拔貢王薪傳

費縣志

職銜姓氏

四品銜知府用江蘇候補同知直隸州知州前任邳州知州王肇震

同知銜前任直隸樂城縣知縣李琢

五品銜候選布政司理問王英遠

江蘇候補典史陳家城

六品銜監生李篔

撰次

肥城縣學優廩生范鴻林

截取知縣前任恩縣教諭丙戌科進士楊佑廷

候選教諭庚午科舉人李成信

戊子科副貢癸酉科拔貢朱駿

辛卯科舉人王景祐

撰次兼總訪金石并蒐遺

候選教諭乙酉科拔貢王咸昌

總訪山水并古蹟

廩膳生員彭美襄

監梓

五品銜主簿用費縣典史趙德馨

藍翎五品銜費縣汛把總孫士廉

理局兼採訪籌款

六品頂戴候補把總王登豐

費縣志

職銜姓氏

附學生員趙漢圖

各社採訪

辛卯科舉人莊清吉甲午科舉人孫紹康

試用訓導廩貢林光熙議敘主簿附生王相如

五品藍翎懸空增貢開魯贈六品頂戴周佑臣

六品銜庠生姚省齋六品銜監生殷澄泰

六品頂戴監生趙連三從九品李啟倅

奎文開典籍王冠瀛四氏學附學生孔昭禮

恩貢生龐綬來例貢生李啟鶴李殿梁

歲貢生顧金鏡楊鳳綸孫鼎榮高自新

廩生 英維韻 閻逢源 卜廣潞 李家聲

陳世昌 姜樹榛 陳星海 楊嘉錫

汪時運 王承緒

增生 劉春華 楊升階 朱景頤 朱桂山

附生 李灼 李宗之 薛凌雲 武鷹揚

朱晟 王存仁 邵元祺 郭海源

王肇煒 謝又安 汪鑑臣 李憲周

王光彥 張金鑑 王坦 崔兆桂

吳夢九 王需雲 王者香 劉奮庸

李式彬 王昭來 韓書城 王咸和

賈縣志

職銜姓氏

三

高折桂 陳珮珊 楊垣曦 楊垣旭

王錫齡 邱培世 吳鳴謙 王廷瑞

監生 孫鶴齡 孫殿楨 張鳳桐 王右文

王玉瑞 卞貴顏 孫殿棠 孫向榮

劉奎增 邵會斗武生 李典彝

童生 韓書田 邵九成 朱崧山 顧廣魯

晁鳳池 徐道源 李敬顏

聞魯瞻 殷澄泰 趙連三 王冠濤 李殿梁 邱培世 吳鳴謙 孫殿楨 張鳳桐 王右文 王玉瑞 卞貴顏 兼籌款

籌款

刑部主事 虞貢 王鑑遠 布政司理 問邵會

五品 虞議敘 高瑒 楊傳廷 候選縣丞 宋廷果 焦維城

奎文閣典籍 邵性耐 候選從九 楊建義

奎文閣典籍 毛立廣 百 戶 李元傑

藍翎候補把總 李克愛 六品頂戴 劉鳳起

鄉飲大賓 鄭宗賢 介賓 楊銘盤 劉永傑

附貢 生 宋文炳 貢生 魏永齡 李英新

附生 王邦傑 王啟昌 王采臣 奉祀 卜習吉

監生 李燦 李開緒 王魁三 唐錫紀

馬景文 陳德祥 鄭傳珠 徐揚元

賈縣志

職銜姓氏

四

劉鴻賓 劉清濶 張淑武 謝倫俊

牛坵 陳殿起 王邦昌 劉春亭

武生 王開吉 曹淑魁 張象臣 耆楊復申

繪事 邑人 王性德

刻工

續修費縣志職銜姓氏

督修

花翎同知銜特用直隸州署理費縣知縣陳 瓊

花翎同知銜特授費縣知縣謝 燦

協修

費縣教諭辛酉科拔貢劉寶鼎

五品藍翎翰林院待詔銜候選教諭署費縣訓導張維彭

四品銜前任河南襄城縣知縣庚午科舉人辛酉科拔貢王薪傳

藍翎同知銜前任甘肅皋蘭縣知縣甲戌科進士賈汝謙

截取知縣前任恩縣教諭丙戌科進士楊佑廷

費縣志

職銜姓氏

五

戊戌科進士翰林院庶吉士莊清吉

辛卯科舉人王景祐

參修

光祿寺署正銜候選訓導廩貢生陳世昌

藍翎五品銜候選縣丞增貢生閻曾瞻

五品頂戴候補把總王登豐

附學生員趙漢圖

附學生員王玉璐

甘肅甯夏縣學客籍生員孫逢吉

刻工邑人張鴻賓

費縣志目錄

圖

行宮圖

在縣治東北萬松山上體南巡盛典恭繪

山川圖

村社圖

城池圖

學宮圖

衙署圖

卷首

論旨

費縣志

目錄

恩詔

巡幸

郵典

卷一

縣城圖

縣志

縣志

縣志

卷二

山川

卷三

封建

職官 宦績

卷四

|     |     |             |
|-----|-----|-------------|
| 賦役  | 倉儲  | 恤政          |
| 卷五上 | 祀典上 |             |
| 卷五下 | 祀典下 | 附寺觀         |
| 卷六  | 學校  | 附書院義學       |
| 卷七  | 選舉  | 仕進 封贈 旌襲 人瑞 |
| 卷八  | 營汛  | 舖遞 兵事       |
| 卷九  | 城池  | 公署 街道 橋梁    |
| 卷十  | 人物一 |             |
| 卷十一 | 人物二 |             |
| 卷十二 | 列女  |             |
| 卷十三 |     |             |

費縣志

目錄

二

|      |       |
|------|-------|
| 古蹟   |       |
| 卷十四上 |       |
| 金石一  |       |
| 卷十四下 |       |
| 金石二  | 箸述    |
| 卷十五  | 邱墓 牌坊 |
| 卷十六  | 祥異 軼事 |

費縣志

目錄

三

# 天宮圖

贊縣志

萬松山圖

一



贊縣志

萬松山圖

二






# 城池圖

寶縣志

城池圖

七



寶縣志

城池圖

八

